

光緒重修安徽通志

重修安徽通志卷二百五十

人物志

義行 四

徽州府

江鵬高婺源人嘗捐千金造湖山石梁又捐田爲同族士子試費同邑戴德志歲歉捐賑又捐千金建村口高視二橋又捐巨貲修里中文昌閣

婺源縣志

江尙燧婺源人歲饑買米以賑有以受賑爲嫌者暮夜餽之輸六百元助成宏濟石橋同族江淇雲歲歉米石踰三金急使人捐金糴賑以免流殍湖山重建石梁前後捐千金

婺源縣志

胡逢乾婺源人每歲捐米八百石以濟貧行之終身同邑曹選歲歉急捐三百金市米以濟鄰族又齊希憲歲饑斗米千錢罄

廩賑卽不繼鬻產不惜有負其千金不歸者先毀其券而後招

之

婺源縣志

江伯元婺源人置義田六十畝以其租歲周窮乏復以千金遺子萬玠令備荒賑玠遇歲歛市米計口以給至助婚修道施轡

尤多義舉

婺源縣志

汪聖林歙縣人嘗於道中拾遺金守而還之

歙縣志

曹望齡婺源人嘗拾遺金二百兩守而還之遊於平望有婦夜奔拒而不納同邑洪大忻江光銓江百瑜曹金祖洪肯亭汪世祿詹尙熊張徵耀俞兆明戴文銘李光駿胡有全皆以還遺金

聞

婺源縣志

王良炤婺源人嘗拾遺金守之以待見者皆欲分之良炤不能拒因曰待明晨無尋者分之未晚眾始散薄暮失金者來遂還

之次日眾復來分以告不信出己貨予之始已

婺源縣志

朱新靖休甯人嘗三還遺金同邑戴昔信陳大榮吳良孜皆以

還遺金聞

休甯縣志

吳道躋休甯人少有勇力嘗於餘杭遇盜擊而走之盜遺百餘金於地頃之有客踰險至則適被劫者詢得實悉以還之

休甯縣志

王安珣績溪人嘗路拾遺金三百兩招還原主同邑程文台方

自琦亦嘗拾遺金還其人

績溪縣志

王尙澤婺源人族有盜案誣累數十家仇離萬狀尙澤憫之捐

千餘金爲之周旋以雪眾冤

婺源縣志

曹時瑞婺源人嘗捐三百餘金砌盧嶺路三十餘里族有不戒於火累及鄉居眾勒其償將投水死時瑞爲捐貲分給以平眾

怒得免

婺源縣志

王信盛婺源人嘗捐貲獨建太洋橋并堯橋畔石路千餘丈同  
邑張添茂商於景德鎮捐數百金爲鎮修路千餘丈歲歉又命  
子將三百金買米賑濟又江錫虎者亦捐貲數百金削平景德  
澆嶺路千有餘丈其他修橋築亭煮茗施藥更多義舉婺源縣志  
程世曦婺源貢生歲歉平糶嘗爲里中償逋賦數千金其他其  
路修橋義行甚多婺源縣志

吳昂休甯人僑居蕪湖大江西有磁磯澳壞行舟議造臺磯上  
爲標識以費艱中止昂乃獨力建造疊石爲臺上立廟建旗商

舶利賴

休甯縣志

程英發休甯人以三千金貨米於寶山雍正十年寶山水災英  
發以給散饑民囊橐一空休甯縣志

程守基休甯貢生客遊嘉定遇歲災歛盡出橐中金設廠賑之

又嘗遇江河被劫積逋莫償者皆贈金以救其死同邑汪朝烘

客遊六合遇歲歉於竹鎮捐金三千設廠施粥以賑

休甯縣志

程佑休甯庠生村有雲塘淤淺捐金挑濬灌田數百頃又捐鉅

貲立培元會以濟族鄰後於直賑議敘補行人司司副又浙賑

議敘加級紀錄

休甯縣志

汪壽欽縣人本郡試院傾頹獨力更新費至萬金又嘗買於台

州其俗多棄子女弗育壽贖金建育嬰堂全活甚眾其他如掩

骼埋胔甃嶺修路置義學義冢賑貧卹孤善不勝紀

欽縣志

劉正實欽縣人以營田例授知州邑田賦舊例排年總催弊端

叢積自康熙丁酉至雍正己酉積欠逾二萬適正實之弟豐年

選粵西州牧謁邑令赴官令具言狀豐年自任代捐歸告正實

正實度已田不逮乃走淮南謀於邑之業鹺者眾感其真摯遂

得湊捐代完又賴邑令汪文昶將無業有糧之戶均平攤入田畝邑臣大蘇正實嘗捐助救生船於京口又代人完逋全其夫婦豐年之官後亦有政聲

歙縣志

汪青歙縣人雍正丁未歲歉邑糧多逋青於本圖內勸輸完納好義者倣效積逋一清同邑吳公洋於本圖積欠錢糧獨力代完又建宗祠立義學修理橋梁道路置亭障以便行人

歙縣志

鮑省躬歙縣人與同里汪起謚交厚起謚以兄在刑部獄費用甚艱省躬與之同居破廟中爲經營其資斧又與胡京蒙交好京蒙有叔知懷安縣有急難方應直隸鄉試省躬獨馳數千里往解其急友誼之篤如此

歙縣志

黃以正歙縣人雍正四年建立鹽義倉捐貲獨建一所得邀議敘至賑饑助葬完婚施棺設渡修橋數十年力行不倦

歙縣志

洪徵治歙縣人嘗獨建桂林橋以石易木長四十丈約費萬金同邑張象鉅里有辛田橋舊架獨木每值溪漲往往溺人象鉅構造石梁自後無患

歙縣志

項憲歙縣人捐萬金獨修郡學又考究祭器樂器罔不鼎新既歿子延安同知綢繼之十數年而落成綢又建宗祠寢室置義田其任延安時攝府谷令除總練之爲民害裁公費以卹民至今稱道不置

歙縣志

吳之求歙縣人嘗獨建瀟源石橋倡建大昌橋子如彬尤好義歲饑捐金平糶邑地連淳安昌化深山窮谷數百里民至冬日以掘蕨燒炭爲生忽有虎白晝食人傷男婦二百餘口如彬訪搏虎者厚給工力費逾千金連殺五虎民乃得安其業

歙縣志

徐璟慶歙縣人每念安徽八府五州士子錄科必赴姑孰多有



迂道而費繁者乃捐金置江甯巨宇改建爲安徽學使行署其  
孫本增受命辦理於乾隆庚申落成多士稱便又嘗獨修本邑  
學宮於金陵建全嬰堂京口設救生船復獨建宗祠捐萬金生  
息以贍族之貧者

歙縣志

徐士修歙縣人嘗奉其父景京之命修紫陽書院增學舍六十  
楹爲肄習地更醑重金孳息爲膏火又呈請移建程朱闕里祠  
未成而病其子麒牲於乾隆辛巳落成蒙

御書題石辛未歲饑獨捐五千金糴穀以濟鄉里又倡惠濟倉爲備賑

久遠計其他義舉不可勝紀

歙縣志

徐士業士修弟也闕里祠成增置祀產又增建京師歙縣會館  
南院屋舍獨修邑西孔道

歙縣志

江承燧歙縣人嘗客湖南目擊洞庭湖冷飯洲船多覆溺乃作

石臺高七丈廣十八丈環植柳樹數萬株建神祠於上俾舟人不迷所往又於辰州清浪灘鑿山開徑以通挽運又於常德府紫草灣建大石橋二以示舟人趨避先是柁桿洲未奉

恩旨帑建以前承燧已植椿堆石費六千餘金矣乾隆十年湖南巡撫蔣洲特疏請

旌乃於次年關移歙縣原籍建坊

歙縣志

吳邦偉歙縣人嘗慕范文正義田法乃與叔祖禧祖叔之駿之蹇共出資萬數千金於宣城泚水閒置田千餘畝歲收其租於季春孟冬兩月賜卹族黨之鰥寡孤獨者歿則復助其喪

歙縣志

鮑峻歙縣人業醴浙江嘗捐屯餉設義倉助軍需浙撫上之

恩獎有加子魁好義如其父乾隆甲子蛟水漂溺捐金平糶以濟鄉閭全活甚眾又伐石甃邑東孔道十餘里

歙縣志

程其賢歛縣人嘗捐數千金修巖鎮鳳山臺其子信由庠貢授職中書官捐萬金重建鎮之孫公橋九年而工竣信子志洛膺歲薦又屬其子刑部郎晉升捐萬金鼎新鳳山臺蓋自其賢重修至此八十年矣其賢之姪沛佶之弟倬姪子瑜皆其襄善舉者

歛縣志

項理孝歛縣人辛未歲饑捐資平糶次年同弟韶州倅理忠輸米四百石自江右運歸開局平糶遠近賴以存活又葺宗祠隆祀事皆兄弟力任之

歛縣志

黃廷松休甯人邑東鄉自萬安至城孔道獨力修治練浦隄塢捐資砌築還古書院傾圮獨肩其任又嘗於江右新建買地爲義冢於吳城倡建會館同邑諸生汪致治邑有白際嶺爲通浙要道高一百五十仞崎嶇險峻獨力捐貲以成坦途

休甯縣志

呂伯榮休甯諸生嘗買舊居更其牆中得白銀兩甕召其主還之家資鉅萬皆以好義盡

休甯縣志

詹一濱婺源人商於亳毫饑捐金五百以賑又遇疫施棺數百具同邑江文蔚家已落遇水災捐金買米三百石以濟鄉里

婺源縣志

俞煥婺源人嘗捐貲於蕪湖立蠲磯廟修魯港隄客遊金陵捐金修城置義倉得議敘至鹽運同居鄉則修學宮造祖祠修橋梁道路費巨萬年七十呼子孫檢負券六萬餘金悉焚之

婺源縣志

江光綬婺源諸生歲歉獨力捐貲平糶歲以爲常其他如建祠修路一切義舉率不下數千金

婺源縣志

程九經績溪人儀徵蕭州同銜維揚饑捐金萬餘賑濟議敘以本職卽用後又因水災捐數千金以賑復邀議敘

績溪縣志

許以景歙縣人乾隆閒歲歉出粟糶賑全活甚眾又嘗偕兄弟置義田數頃以濟族之餽寡至建宗祠修橋梁衢路義行不可

勝舉

歙縣志

程振箕歙縣人候選員外郎乾隆甲子水災輸重金助賑且寓賑於工以修其里之祠社長沙陳文恪守吳興時爲制府誣劾賓僚皆散振箕以舊交左右之不避艱險又嘗從儀封張清恪於難終始不怠

歙縣志

朱允汲休甯人貿易上海邑值海嘯淹沒無算首捐貲苦屍棺歛置義冢埋數千餘棺

休甯縣志

汪錄休甯人建宗祠立義倉歲歉賑濟施藥卹貧歲以爲常其後裔秩穰和穀秉承謙瑗等助修學宮獨修明倫堂捐海陽書院膏火建永福石橋所費不下數萬金秉遺訓也

休甯縣志

馬曰琯字秋玉祁門人由庠生援例候選主事加道銜僑居維揚築漁亭孔道造江上救生船歲饑賑粟嘗以數千金刻朱彝尊經義考及許氏說文玉篇廣韻字鑑等書乾隆三十八年琯子裕恭進藏書七百七十種

詔賜御題鵬冠子詩平定伊犁金川詩圖古今圖書集成一部並書發

還曰琯工詩詞著有沙河逸老小稿弟曰璐字佩兮由貢生候選知州乾隆初舉博學宏辭不赴著有南齋集

祁門縣志

鄭達禮祁門人嘗割股以療母拾遺金三百兩守而還之不受

謝

祁門縣志

陳文祐祁門諸生邑中傾社穀者負逋多人出二千餘金償之

祁門縣志

張爲鎮祁門人嘗輸田數十畝於祠以卹族之孤寡其孫起鵬

出資甃路費數千金

祁門縣志

陳士球祁門諸生嘗捐金二千建永濟橋又建啟元橋築茶菴

代村鄰完納官稅

祁門縣志

張啟勳祁門人嘗輸田數百畝於祠以奉祭祀又輸田數十畝

以卹族中孤寡

祁門縣志

汪隆祖祁門人家貧客豫章拾遺金還其人

祁門縣志

胡名儒休甯人尙義任俠親友婚喪有不給者拮据助之其伯

遊於湘漢久不歸名儒千里尋訪奉歸終養

江南通志

汪樾休甯人捐職運同承祖士銓遺命同弟候選州同樾捐貲

數萬造建宗祠歲歉捐賑全活無算邑西至江右孔道歲久傾

圯捐千八百金甃成坦途他如修學宮書院考棚葺汶溪塔捐

貲又不下數千金弟樞獨捐萬餘金修邑東古城石梁他若修

還古書院平糶施樁置義渡於宿松造三建橋於建德義舉其

取休甯縣志

汪鼎和休甯人父疾禱天求代歲饑捐貲以賑不惜重費

江南通志

汪士俊休甯人候補知縣嘗捐五千金建造宗祠又輸五千金

爲義貯以睦族濟貧

休甯縣志

汪天照婺源人嘗捐千金建家祠又捐租成義倉同邑項永榮

亦捐一千三百餘金創建祠宇

婺源縣志

張起興婺源人邑西有灘舟人不戒輒覆沒因名老虎灘起興

捐貲數百倡首疏鑿平其險阻至鬻產不惜舟行便之

婺源縣志

俞起元婺源貢生所居村路臨溪徑仄議築長隄拓護預儲千

五百金爲權輿未竟其志其子繼而成之費以倍計族遭回祿

百二十家計口周卹僑寓金陵上河遭燬者四百餘家又計口



邱之

婺源志

俞烈婺源貢生嘗捐二千金建涇縣二折水石橋客上河居民  
失火延百數十家計口賑卹同邑庠生程應鳳捐千金造福洋  
石田石橋又建祠置田修路建亭義舉甚眾

婺源志

項天瑞歙縣人嘗客淳安有洪某病危子幼以積金寄天瑞無  
知者越十餘年其子成立倍息還之子驚不受天瑞曰是汝父  
所貽也乃酌酒告洪墓而退

歙縣志

胡文相歙縣人質遷京師有仇諒臣者抱病南還以橐金寄未  
幾仇死其家不知有金也文相恐其子幼絕口不言惟給其家  
薪水及仇氏子長乃召而語之出原橐並諒臣親筆一一歸焉

歙縣志

江承珍歙縣人嘗置祀田四十畝以奉烝嘗置義田百二十畝

以濟族之貧乏者又置十畝以備橋梁茶亭修葺之費又置三十畝以爲文士講學之資

歙縣志

汪文煥歙縣人嘗謂恆心恆產相因歙惟無田可耕多致游惰乃以萬金孳息歲給其族之丁男名曰助耕於是誦絃日盛初其族有光祿寺卿名守仁者曾以重貲置田倣范氏意伙其族之孤貧與文煥交相爲濟故其里無饑寒者文煥子玉球亦曾代完本縣民欠又在揚州獨力捐賑得邀議敘

歙縣志

鮑兆瑞歙縣人嘗客漢口地多火災倡舉廣庇會以卹遇災之家又興義學以訓邑人之客漢陽而不能從師者家居箸嶺爲徽甯要道有豐口萬年登雲諸石梁盡捐貲修葺

歙縣志

程待詔婺源貢生嘗捐三千金於始遷祖墓旁建祠又捐貲建石梁造義渡造亭置田費數千金同邑程茂梓遺命以千六百

金建義會於族中

婺源縣志

王清婺源諸生家素貧後稍裕居室不蔽風雨而獨捐三千金倡造宗祠又友愛兄弟財不自私每歲必運米平糶以濟族鄰

婺源縣志

俞秩宗婺源庠生家貧性倜儻有子賈漸裕因念村南嶺路徑仄臨深鳩工鑿石周以石闌互三十丈又壘石爲亭煮茗以憩行旅費六百餘金

婺源縣志

程太祥黟縣人邑中通郡大路多傾圯爲相度修平須四千金估計成而適卒遺命其子成之

黟縣志

舒德兆黟縣人歲殷賑濟族鄰助修祁邑大路又獨捐千金重建東門橋同邑胡丙培以千金修石山路五百金助建鳳凰橋又助建學宮歲饑捐賑後以捐建城工給八品頂帶

黟縣志

韓通黟縣增貢積學工文嘗以濟人利物爲心乾隆初例派倉穀分領多諉避通家獨任積貯有侵耗必補其數無少差鄉田向無陂塘非得時雨不收穫通爲經畫造場引溪水灌之雖旱不爲害農人至今賴之

黟縣志

馬焯祁門附貢學宮傾圯獨力捐修所費不貲焚借券至數千

緡

祁門縣志

程師達祁門諸生少極貧後稍裕卽捐金三百創建柏溪鍾秀石橋又遺命其子延宜延安造通衢石路數十丈費至一千七

百餘金

祁門縣志

謝士昌祁門人以操作爲業所積僅數十金一日見族鄰中有負官糧者追呼甚急遂慨然罄所有以償之

祁門縣志

鄭建周祁門人父華邦嘗與族人于第等創立義塾建周又設

平糶義會以備饑荒又與同鄉合興閭陽文約自小試至賓興

皆有資助成就甚眾

祁門縣志

汪士官祁門人例授理問邑北大洪嶺爲一郡孔道蛟水冲頽  
土官捐資董修成上下石道五十五里建通濟咸安石橋二座  
捐數不敷獨出千六百元成之

祁門縣志

謝我祁門貢生乾隆辛未夏旱出穀減價平糶又從九品方兆  
鎰乾隆戊午水災出米賑濟捐書院五百金又有拾遺金還人  
事

祁門縣志  
新增

方祈宣字亦桓歙縣人乾隆辛未歲饑倡捐賑卹又捐惠濟倉  
穀三千金捐修府縣城千緡平治鳳山道路煩費不惜營建支

祠以勞卒

劉大猷撰  
新增

吳邦佩字幼蘭歙縣監生同族人漢延等共出萬餘金買田宣

城灣汴以歲入賑族三十餘年乾隆辛未饑運米數千石減價

以糴又嘗修祠治路焚券施藥

劉大樞撰  
新增

曹元祿績溪諸生嘗捐田修興福寺前石路以便行人又捐金

助鄉試盤費兄弟異居後復讓產千金

績溪縣志

王朝玘婺源歲貢官繁昌教諭性孝友世田贍族發困賑饑著

有培桂堂集

江南通志

余延椿黟縣人捐職州同隨其祖遷居蘇州嘗以金一千八百

寄其族以備祀事同邑舒大信亦州同商於江右置義冢四處

家居歲歉買米平糶邑建書院捐二千四百金以助又修東山

道院旁置屋十餘楹爲族人讀書地又於江右設渡助賑施棺

掩背尤多義舉

黟縣志

蘇源黟縣人族有子死而母令婦改嫁者婦以遺腹不可源義

之資以生養親串某外賈無耗婦將改適源僞作家書並白金  
寄其家婦意始定越三年某竟歸生平好善不倦修橋砌路施  
棺掩骼義舉甚多

縣志

吳鵬翔休甯人嘗捐千金葺祠宇贖祀田僑寓漢陽指困解囊  
好行其德漢陽饑鵬翔適運川米數萬石至計值可獲利數倍  
悉減價平糶民賴以安

休甯縣志

汪世燔黟縣人與弟世煒捐銀三千四百餘兩倡建雲門書院  
爲汪氏會文所又捐千餘金入宗祠置宅於金陵館族之秋試  
者

黟縣志

孫洪維黟縣人乾隆丙午丁未歲歉捐萬二千餘金糶米以賑  
邑西武嶺爲往來孔道甃石闢險五年而工始竣又置亭造橋  
存銀二千餘兩遺命其子翰建書院後嘉慶十三年遂如其志

黟縣志

葉長春黟縣人嘗修百尺段至胡村廟大路千餘丈子正華與弟華年能繼其志修西干及萬松亭西石路二百丈又造萬松亭及下洪柏僊西園澤上等處石橋凡有義舉隨時爲之經久不怠

黟縣志

詹永吉婺源人每遇歲歉必捐米千餘石按口平糶事竣輒焚其籍同邑貢生王應達乾隆乙亥米價騰湧命子遠熾等泛饒運米減價平糶自十一月至次年七月止耗銀二千五百餘兩後遇小歉亦必減價以濟

婺源縣志

王廷言字頤亭婺源人曾官河曲州知州晉順德知府皆有政聲在順德值歲饑詳請賑濟又捐廉稱貸以益之全活無算上官以爲賢將卓薦以目疾歸家居立積倉興文社於婺源界山



迴徑仄處開嶺建橋亭數處費數千金嘉慶元年恭與千叟宴  
蒙

恩賜綺杖朝珠如意等件自是歸不復出僑居江甯建樓藏書日事吟

咏卒年八十三

婺源縣志兼採姚鼐所作墓誌

俞大鳳婺源人家貧喜減日食以給人後稍裕修橋砌路歲歉捐賑知無不爲嘗蓄金遺子命擇善事爲之後邑興紫陽書院其子國楨與弟鵬萬遂輸千金以助膏火

婺源縣志

孫應洪婺源人性孝而好義父病目母患疽左右奉侍不懈焚香禱天竟得愈嘗諄諄示其子以所當爲後邑建文昌閣興書院其子遂捐千金以助又賑饑還券造路建祠皆承其志

婺源縣志

詹元生婺源人歲歉捐賑施藥施棺輸千金於積功堂買地以營旅櫬嘗客餘杭拾遺首飾一函於旅店俟而還之同邑施世

暉嘗拾遺珠還其人又道拾遺金一囊坐至晚俟其人至還之

婺源縣志

查璋婺源諸生乾隆戊申大水浮棺數百骸骨漂散璋獨力施

棺募人拯斂別男女買地瘞葬置田歲祭費數千金

婺源縣志

方秉塋婺源貢生戊申大水竭資以錢米濟鄉里之遇災者祖

廟壞捐千金倡修之賑饑解紛遇事輒先人爲

婺源縣志

陳有灝休甯人乾隆乙巳江南北饑與弟有涵爲食於路活數

千人施棺數百具以瘞道殣其子廷議能承先志嘉慶間歲饑

捐貲助賑又同從弟兆麟倡建義學給膏火及大小試費卹貧

修路義行甚多

休甯縣志

吳澂休甯諸生寓祁門三十餘載捐貲廣置義冢備棺木灰紙

以瘞露骨市數年已收遺骸千百餘棺又捐五百金置產裕後

休甯  
縣志

查綏婺源諸生乾隆戊申水災族欲售祖祀田以食綏不可迺  
自棄家產捐千金以濟之又建書塾課族子弟施棺濟困義行

卓然

婺源  
縣志

程國焰婺源貢生盜竊其兄千金兄恚焰以千金奉兄託言追  
盜得之兄大悅又嘗造文昌廟立文社鄉里文風寢起至平糶  
施糶焚券周乏不下千金

婺源  
縣志

程鴻緒休甯貢生嘗輸千金買屋爲育嬰公所歲饑平糶又立  
急公會以紓逋賦皆行之不倦家富藏書著述凡數十卷

休甯  
縣志

王惟孝休甯人州同知嘗施藥煎膏以拯人病族貧者餽之貲  
或計戶而遺之粟每歲費千餘金行之四十餘年不倦

休甯  
縣志

汪廷熾黟縣諸生家僅中產邑雙溪橋圯慨然捐千三百餘金

建之行人頌德

黟縣志

胡學梓黟縣人母哭少子喪明學梓朝夕舐之得愈邑議建書院首捐五千金歲歉助賑前後計米六千餘石其造登封橋雷岡橋永濟橋及歛休祁與本邑大路九處共費八萬餘金他若置義渡義倉施棺施藥諸義舉皆數十年行之不倦

黟縣志

邵元平黟縣人幼貧採薪苦路險多虎後稍積聚自章嶺下至橫潭造石路三十餘里中建休憩亭二所工成後三日勉其子六人多爲善事端坐而逝

黟縣志

汪作霖績溪諸生嘗捐重貲掩埋暴骸一千七百餘棺又修西門外孔道數里歲饑平糶施藥施棺卹孤憐寡多盛德事

績溪志

余文彬績溪諸生賈於衢值歲饑民相搶奪總戎閉城將投甲時宰西安者歛人許執中文彬急見之謂速賑與平糶可弭願

先出米二百石爲諸商倡許急言於總戎果以平糶帖服

續溪縣志

章聲遠績溪人嘗買於海州板浦場有錢六十萬值歲饑疫盡

出以貸諸竈戶不責償

續溪縣志

李慶品休甯諸生見義必爲倡修橋梁建義學將卒屬其子嘉德立周急會以濟困乏嘉慶丁巳邑建書院考棚嘉德首捐千金濟公用皆承其志也

休甯縣志

汪國柱休甯人候選州同嘉慶壬戌歲歉捐金八百助賑又捐千金助海陽書院膏火邑士子鄉試艱於資斧捐金五千二百有奇請存典生息以助其費又助修學宮修坊表溝渠道路建支祠置祀田卹孤寡美不勝舉嘉慶十八年

旌表建坊

休甯縣志

黃士鎮休甯諸生嘗捐千金入海陽書院助膏火並捐修還古

書院商於婁東倡建新安義園義冢子振泗能繼其志亦以樂

善好施聞

休甯縣志

黃焉學休甯人理問衙嘗捐千金修宗祠捐五千金建村北石

梁又捐二千餘金倡立培元會以卹四窮僑寓漢口又倡修三

元殿爲海陽公所焉學本先貧後裕乃勇於爲義如此

休甯縣志

戴純恩休甯貢生家僅中貲性好義邑重建學宮解囊樂輸又

倡捐千金遷建海陽書院他如修竭灌田正質庫浮收備士子

卷費眾皆德之

休甯縣志

徐名進休甯人曾輸千金備海陽書院膏火聞汪國柱輸金五

千爲鄉試士子費亦樂輸五千以濟其美歲歉平糶又出貲四

千砌城東石路

休甯縣志

孫啟祥歟縣人貢於皖有查姓者以數千金託啟祥居積且恐

爲家人耗屬勿使知啟祥予之簿使筆之旣而查猝死其家人果不知啟祥俟其喪事畢呼其家人至計本若息出舊帳付之時傳爲僅事

黟縣志

王廷虎黟縣人產僅中人嘗捐銀五百造麻田石橋又修本都橫山路八十餘丈又助修潯陽臺路有善必從

黟縣志

王家柏黟縣人嘗拾遺金於道守而還之同邑諸生鄭志琪亦以還遺金聞

黟縣志

王廷璧黟縣人嘗貿易東流值水災居民流移捐三百金給發金盡而官賑適至難民得老幼完聚至今東流人猶道之

黟縣志

韓奎黟縣人嘗客景德鎮見義冢埋淺棺屍暴露雇工掩埋不避寒暑乾隆戊申祁門蛟水大發漂棺浮屍奎於昌江下流買舟撈屍收棺瘞埋以百數平生修橋砌路善行甚多卒年八十

二 彰縣志

胡德藹彰縣人經歷嘗捐金一千六百倡建岱嶺文峯塔又協眾開潯陽大路四年而成坦途

彰縣志

韓可儀彰縣人少貧辛勤累積家漸裕嘗客揚州買一童僕詢知三世嗣續惟此一子呼其父領去不取值

彰縣志

鮑志道字誠一歙縣人布政司理問性孝未弱冠居喪哀毀骨立族自宋鮑壽孫以來世多孝子志道既葺龍山慈孝堂以祀宗嚴壽孫於其父子爭死處復立公祠爲設合族孝子數十人木主奉而祀之使子姪年八歲以上皆得觀禮意蓋以教孝也又最好施與如築大母塢以灌田修古虹橋以利涉增兩紫陽書院膏火以給肄業皆不惜重貲爲之至如遇荒捐賑歲出錢穀以周族鄰助婚嫁治道途設義冢事不勝舉以子勳茂官



誥封朝議大夫嘉慶九年

恩准崇祀鄉賢祠

舊志

程光國字虛谷歙縣人官翰林待詔性孝侍父母疾衣不解帶及卒哀毀葬祭秉禮又最好義嘗修窮嶺數十里變險道爲康莊歸杭郡旅殯數千棺俾羈魂返故土新宗祠置祭田建義學賑荒救周孤貧助婚嫁設救生船以拯溺養乳媼以育遺孩增置紫陽書院膏火重修明道伊川考亭三夫子祠於闕里命子孫世葺以子振甲官

誥封奉政大夫嘉慶九年

恩准崇祀鄉賢祠

舊志

詹惟康婺源人嘗捐貲建復濟石橋修砌通衢大路數十里費不下數千金又捐金五百建宗祠臨卒以未見成功爲憾

婺源縣志

程森婺源人性孝友兄負逋不能償森代償之復付金數百與

其子使貿易以養父臨卒屬其子檢券數千金盡焚之

婺源縣志

余銘婺源諸生事孀母孝侍疾數十年不懈及卒泣血三年婺俗多溺女爲文示戒有願取爲養媳者每助銀數兩自是風俗遂變歲饑出粟平糶不足鬻產以繼其他修宗祠助婚娶喪葬代完逋糧闢嶺建橋義行不可勝舉

婺源縣志

江允暉歙縣人每歲施棺槨四十餘年不倦約計萬餘口

歙縣志

金芬字耀三婺源人候選鹽運同性慷慨好施邑建紫陽書院

倡輸千金嘉慶壬戌乙丑己巳婺大饑甲戌江甯大歉皆領義

賑卹全活無算又修橋梁置義冢者各三前後焚券數萬金其

他義舉不可勝數

婺源縣志

俞鎮琮字宗禮婺源貢生造祠宇置義倉以及平糶賑饑費數

千金不吝村北山徑險仄又獨力雇工輦石平闢修砌

婺源縣志

詹德章婺源貢生幼採樵爲業長而行買家漸裕弟四人讀書

理家父將歿命以田百數十畝償德章勞德章以爲祀田將卒

又以田七十餘畝入宗祠以贍族之孤寡廢疾者

婺源縣志

汪邦達婺源人邑修紫陽書院捐千金又捐田租數十石入祠

奉祀他如平糶諸義舉甚眾

婺源縣志

呂淵婺源人候補府同知置祭田立義塾建義倉邑人賴之邑

建書院慨輸千金

婺源縣志

董鴻超婺源貢生嘗過寅川道苦其崎嶇輸金數百修之署父

名勒石兼善岐黃施藥活人所費千金有奇

婺源縣志

胡徽光婺源貢生嘗捐金四百置義田入祠贍族客吳門捐金

五百於同仁堂客金陵捐金五百於廣仁堂助行善事卒年八

十一 婺源

汪文燦婺源人候補布政司理問嘗獨建石橋倡立茶亭修葺祠宇費過千金又置義冢施棺櫓備水龍解紛爭義舉甚眾

縣志

胡光裕婺源諸生母病目盲以舌舐之累月而愈族創家廟未果光裕臨終命其子首捐二千金事遂成

婺源縣志

俞金煊婺源諸生與兄弟析產推肥取瘠嘗捐數百金入祠贍族又首捐五百金立義倉

婺源縣志

吳紹昌字有聲歙縣人寓錢塘與弟紹達相友愛賦性嚴重有故人子來謁騎蹇不拜紹昌面責之同里有負人百金迫除夕不能償欲死紹昌急以金授之曰金易耳何自輕若是好行其

義類如此

浙江通志新編

孫徵五字紫封婺源人嘗販木湖南同旅貸其金市木者二十餘人比抵潯江木盡火耗數千金徵五盡焚其券各給資歸里又曾捐金八百建家廟夏施茗冬施衣造橋修路施藥濟人無

虛歲

婺源縣志

洪錫疇婺源貢生嘗捐千金修路數百丈建亭其閒旅人德之

婺源縣志

程浩婺源人嘗以金二百貸金陵馬某偶過之見眾喧甚問故馬泣曰將鬻女償債浩惻然爲盡償之遂焚券由大江回婺見覆舟急呼有能救一人者予三十金漁舟競拯得活二人

婺源縣志

曹崧婺源人嘗捐千金建徽州會館於郡陽又置義冢建山亭

焚券解紛頗多義舉

婺源縣志

程珏婺源諸生幼貧甚後稍贏卽獨建祖廟嘗販米江右道經

德邑德歎甚沿河告糴玨卽減價平糴耗數百金父老環舟謹

呼婺源縣志

朱光耀婺源貢生歲歉平糴卽困乏於宗族尤篤嘗獨新迫遠報功二廟族人感之同邑諸生汪拔元嘗捐千金修家廟出資贖回祀田四十餘畝又貢生俞英亦嘗捐金六百建祖廟又獨力修砌嶺路其費不貲婺源縣志

吳鉏字玉友休甯人寄籍南陵而家宣城雄於貲性慷慨凡義舉率首倡人多德之以子瑞官

封通議大夫

甯國府志 舊志甯國府流寓 新移

朱光燈婺源人嘉慶七年邑大旱以積穀二倉減價平糴河路敲人獨力甃石百十丈又砌鋪前大路三百餘丈費不下五六

百金

婺源縣志

程廣富字志高婺源人候選州同凡貧裏親族友朋無不通財周卹有貸百金至數千金者里東嶺路崎嶇不惜重資繕治西北官路行多曲折亦捐重資甃成坦道

婺源縣志

程兆達婺源諸生修祖廟成更輸金五百裕祀典有寓金三百於其友者金失於盜訟莫解達爲友償之又嘗捐金全人夫婦

遠近慕焉

婺源縣志

葉煒婺源諸生獨捐千餘金修祖廟復置祭田歲款傾廩以濟

族人

婺源縣志

劉世揚婺源人嘗捐金數百置租入祠又獨建支祠其父欲造一石梁於鄭家坦未果世揚偕昆弟成之名曰繼志又於雙溪

口造一橋名曰承志

婺源縣志

謝齡光徽州人寓阜陽捐置義莊田地三百六十畝以贍其族

阜陽縣志 舊志類  
州府流寓 新移

吳峯婺源諸生賞捐金數百倡建祖廟又獨修本里路數百丈

義舉卓然

婺源縣志

畢周通婺源人有友臨終子僅數齡以六千金託周通為藐孤計不使一人知通歸立一簿記歲月權子母迨其子長置酒約其子及其叔出簿付之已數倍有餘矣聞者駭為奇事

婺源縣志

夏嘉賓字君向徽州人寓居集縣樂善好施子孫五世同居咸

稱善人之報

廬州府志  
州府流寓

舊志類  
新移

俞德祖婺源人貿易阜邑有慘遭火災者五六十家以四百餘

金分卹之阜歎設粥賑之居家輸田數十畝分給族中貧老置

兩大廈一居族無依男一居族無依婦其他捐賑造橋助婚助

喪諸義舉不可勝紀

婺源縣志



江華婺源人州同嘗捐數百金造邑西北兩關河橋又贍族建  
亭施藥施茗同邑貢生齊敬瑤亦嘗捐四百餘金修葺橋路行  
旅賴之

婺源縣志  
以上舊志

重修安徽通志卷二百五十一

人物志

義行五

徽州府

汪元琳祁門人乾隆間爲合族完納編糧

祁門縣志以下新增

汪炯字士光歙縣人曾祖景光孝友睦嫗任卹婺源江永爲之傳祖泰安隱德君子秀水鄭虎文爲之傳父孝漪見孝友炯於

乾隆丁未甲寅壬戌歲饑發粟減糶全活鄉里修葺家廟祖塋

皆傾囊不下萬金嘗賙人不俟請亦不自名

程恩澤遺集

汪亦荃休甯人候選知府樂輸城工建文昌閣築石渠施衣餽

米修路埋齒義行不可勝舉

休甯縣志

程建極字道庸黟縣諸生家無財有山在夾溪植杉木千餘株

夾溪災居人爭市木建極盡資之不取其值卒祀邑彰善祠

三志

章道源字燧垣績溪人布理問銜嘉慶甲戌歲饑買米平糶修南郊路代賑道光癸未水修綠楊橋費錢四千餘緡又倡捐建東山書院復獨營西關書院爲族中義學施棺埋齒築亭施茶子廷枚字麗堂捐職鹽大使重修南郊大路造邑南三里橋及橋南與西郊傍溪大路

績溪縣志

徐寶善字廉峯歙縣人嘉慶庚辰進士官御史在籍時捐資建祠廟修橋路孤寡歲以爲常在京時每年冬春間於壽佛寺

施粥五月

歙縣志

鄭世昌祁門貢生道光間捐錢二千緡入書院立義倉修橋路皆不惜重貲同時有江茂星者節嗇衣食數十年得錢三百餘

緝聞世昌之風而慕之以所積悉捐入書院

祁門縣志

黃時圭祁門人縣丞捐二千金重建支祠并宗祠各捐祭租書院橋梁皆輸有費知縣張桂芳卒官斂葬之貲時圭獨力任之

輸租存學永遠祭掃張墓

祁門縣志

項士溥歙縣人捐資置復余岸義田以濟貧立義倉以贍族賸買石川一帶山業請禁棚民開挖以息水患而保田廬同族有項樹溥項關生項添麟並以尚義聞

歙縣志

潘亦棨歙縣人捐八百餘金爲鄉試卷燭費潘亦恂潘亦杜潘邦錡潘孟蕙並有濟孤貧置義冢周鄰里之事

歙縣志

宋良增歙縣監生買妾胡氏未納閒詢是章女爲胡養媳折券歸之仍衣食焉更助區促胡子成婚後良增病章女割股以報

道光初捐修竊嶺支路成周道

歙縣志

宋學恩歙縣人道光辛卯含山饑出糧千六百石助賑議敘縣  
丞戊申己酉水督修無爲州壩賑用二千餘金庚戌徽州饑質  
田得三百金以助賑濟又楊德寶亦於己酉年拯濟太平府水  
災經畫周安

歙縣志

程文彬祁門人主簿居家孝友遇變不改常度嘗往池州歸族  
人及從兄之柩凡八棺皆爲營葬又分腴田以贍從嫂道光己  
酉庚戌饑平糶贍族更建義倉購地葬親啟土則白骨累累急  
命掩埋原處立碑識之

祁門志

汪鵬翥字宇翔休甯廩生出嗣伯父事嗣母如所生歲入脩脯  
輒周貧乏贍孤嫠晚年焚貸簿悉還其券

休甯縣志

李朗李爲棟並休甯人朗家僅中產歲以衣米給孤寒除夕緘  
銀分饋有以產售者不較值爲棟延師課貧子弟仍給其衣食

休寧  
縣志

余廷緯祁門監生乾隆戊申水災收葬流尸無算道光乙未饑  
出米以濟族鄰秋成乃止倡完糧局代族之貧戶納課有驚兒  
還債者折券不責償

祁門  
縣志

江際武字興周黟縣人從九品祖源輝嘗出資代貧戶納賦乾  
隆乙巳歲大饑際武集賑救活棄嬰葬浮櫬無算壽七十止諸  
子觴計所費以修橋路妻林亦賢有族姑早寡夫家欲奪其志  
林力調護完其節子海附生篤於風義拮据刻其業師何瑞龍

遺文

黟縣  
志

程致煌字星堂黟縣諸生早孤母劉喪明因是治醫活人多而  
母目亦愈嘗於章嶺拾券二百緡跡其人還之子文榜修始祖  
墓立祀會宗族稱孝

黟縣  
志

王樹本字立峯黟縣人客景德鎮拾遺金訪還其人

黟縣志

李天爵休甯人泊舟西梁山獲金一囊畱二日待還其人不告

姓名而去又李甯拾遺金百餘還其人謝之不受

休甯縣志

汪萬祥婺源竹工拾囊金還其人酬之不受亦不告里居而去

又洪經生汪廷鑑李從蛟潘秉堂李朝梓余國鎮李乾海方文

銘程詩可胡彭瑞增生王其銳監生余文芝俱有拾金還人事

婺源縣志

吳尙託黟縣人牧牛塍下拾布囊洋錢百六十餘圓又大珠七

十餘顆高麗參枝坐候失物者悉數還之

黟縣志

宋智勳歙縣人修昉嶺路五里妻祁出匭貲造舊圳茶菴

歙縣志

宋良祐歙縣人懋遷運糟各船戶積欠二千餘金值歲饑悉焚

其券又饒澤亦有焚借券還遺金事

歙縣志

鮑均欵縣人員外郎倡修府縣學宮重建魁杓亭增書院及會試費蒙

旌坊表

又楊恭程永根程明熙並以尚義聞

歙縣志

鮑良輔歙縣人捐職知府出二千金生息爲歲給棉衣費遇欵平糶施粥祠宇橋道傾圯者必修葺之

歙縣志

鮑邦珍歙縣人廨門舉人謝仕俊挈眷幕游疫死殆半邦珍爲死者棺衾病者藥食又買一士人子教之讀書及長覓其父歸之并買地一區以葬里民之貧者

歙縣志

鮑玉堂歙縣人布理問置田五百畝以歲入贈族捐義冢施棺衾修祠宇行之不倦又鮑泰圻鮑宗軾並以樂善好施聞

歙縣志

程榮春休甯人嘗發倉出粟濟避難數百人又同程恩普等集

勇守裏莊盜賊不得入全活甚眾

休甯縣志



胡起充休甯人從九銜族有嫠婦家貧姑欲令改醮者起充贍其衣食又修赴城大路施棺掩骼數十年子賡庠生以遺命修藍渡大路兵亂米貴同弟姪捐貲平糶鄉人賴之

休甯縣志

潘奐婺源人官青浦訓導建有嬰堂遷桐城教諭捐修考棚義倉城垣江壩升甯國府教授修敬亭書院又蒙城訓導潘傑修學宮立有嬰堂置義冢戒溺女通州訓導程絢捐賑淮揚饑民

無算桐城教諭施文鏞蒙城訓導孫克恭並籌水旱災賑

婺源縣志

汪春高婺源人有鬻子償債者代還之里中大橋圯捐資獨造

他義舉甚夥

婺源縣志

方豐學婺源附貢族建義倉出四百金助之

婺源縣志

丁肇文黟縣人有中表二子爲僧徒同族二女爲人婢贖而爲

之聘嫁又嘗救胡某死助以金還尤姓券不取償

黟縣志

胡尚熠字如川黟縣人候選道嘉慶間捐萬五千金倡建碧陽書院又捐建癸酉橋修學宮成考棚治歛休祁黟道路捐助紫陽書院膏火惠濟倉穀培祀會設義渡埋齒施柁助餉賑饑垂五十年善舉不勝書

黟縣志

胡尚勳字堯功黟縣人理間道光五年捐置休甯義冢曰七都嶺下八年巡撫鄧廷楨示勸捐埋厝棺十一年徽州府知府劉亨起復行示勸自九年至十五年尚勳續捐義冢休甯曰金墓山曰長塘嶺曰陰山曰藕阮曰白鶴觀黟縣曰漆樹園曰上穴隲曰步臘隲曰梨木隲曰高巖曰深充曰燕來尖曰程村下隲先後凡十四處奉准以好義樂善給獎

休甯黟縣各底案及各義冢禁碑

胡積堂字琴生尚熠子候補員外郎族有式微者爲娶妻延祧貧寡無依者歲飲助之施藥捨棺除道成梁皆捐貲又獨建閭

邑節孝總坊著致知一得錄言禮樂事黔縣志

胡文鐸字政宣黔縣人候選中書父戶部員外郎積城建胡氏

七哲祠造凌雲閣命文鐸捐修歛休那黔大路改造休甯梅林

葉那兩岸道十餘里重建本邑八都永濟橋歲一修葺起亭置

渡施藥捨棺歷二十餘年黔縣志

胡文淦字汲清黔縣庠生偕諸弟捐埋露棺千餘族子弟無力

讀書者助以脩金行二十餘年不衰黔縣志

朱作楹字良友黔縣人弟早喪撫姪如子修祖祠捐助書院銀

千兩歿祀邑崇教彰善二祠其後人以遺貲捐輸海疆經費繁

作楹名蒙

旌急公好義坊額子州同光宅光裕訓導輅孫都司承珪守備承琛州

同承璠承璋曾孫中書鏡蓉提舉銜浙江通判雲書江蘇縣丞

雲龍元孫汝驥等俱世其德邑建耨書院修學宮增膏火鄉  
會試費本邑團練徵防軍餉府建朱文公祠河西橋均各輸重  
資又於浮梁景德鎮修亭造路施棺散賑修造本邑社禾嶺東  
文嶺麻榨大路迎霽門外書院大路桃源門外石橋修祖祠建  
閩族節孝祠節次減糶賑饑捐設粥廠施棺埋腐增置義冢歲  
施棉衣五世相承勞費不惜同族朱光諫朱光闕朱承訓朱照  
開朱錫晉朱榮薦並以義行聞鏡蓉字和甫能文工書咸豐初  
募勇食余兆元等援祁門復其城修族譜刻屏山詩乘及朱駿  
聲所著說文通訓定聲費皆不貲雲書字小漁有資庫被寇劫  
傾家以償質者又償無名之債比漢直不疑償金屢次焚券最  
多雲書與弟雲龍雲驥並能詩善畫好施濟由是家落不悔也  
雲龍從曾國藩討賊卒於營次同治二年

贈鑒儀衛經歷廕子主簿

鄧志

舒立昆字肇修鄧縣人議敘同知浙江歲款捐貲助賑又以萬金獨建支祠置冢掩埋周助親族同里舒爾祺字受禧因支祠寇燬於舊址獨力重建又舒遵剛字濟柔舒遵威字子厚兄弟皆好義道光辛卯江西大水倡施錢藥樁拯濟無算舒文潤字曜西和厚有孝行親戚賴以舉火施棺代葬歲暮濟貧舒崇樵舒崇澎並有施棺義冢事

鄧志

余振鐸字泉芝黟縣人捐職州同與弟慶元捐營城內及廐田街石路又在漢鎮倡造救生船置冢施棺同族監生余發傑字亦梁以孝梯稱凡有善舉首倡捐輸養節恤孤信義遠著又諸生余景伊捐貲團練守方干嶺有保衛鄉里之義

鄧志

章必醇字性初績溪人都司街道光丁酉水以工代賑獨修承

濟綠楊來蘇曹渡四橋并各治其隄岸又修華陽鎮外至雄路

及望輦門來蘇橋各石路砌城垣修宗祠

續溪縣志

章必有績溪人泊舟嚴灘出重貲拯溺者知為債偶解囊贈之

續溪縣志

章鳳麟字訪周績溪人歲大歉煮粥濟飢造石門迄龍川路以工代賑費數千金買婢知為良家女贈錢遣還子成烈字德音監生建村東陽圩橋修湖村至大石門路歲設施藥施粥貸粟貧乏焚逋券一千餘金

續溪縣志

章錦文績溪人家故貧貿易宜歛閒少得貲隨時施予邑建東山書院捐千二百金錢家積為徵南孔道陳金修築垂歿屬其子積儲為平賑計故壬辰癸巳積北游饑而民不病道光十二年奉

旨旌坊

績溪縣志

章點字漱華績溪人州同銜父承澤以施予家落至點少裕族中婚嫁無力者助之金歲屢歉傾囊貸濟又修徽甯大路數百

丈

績溪縣志

吳恆熙歙縣人綜理先人積逋四千餘金貨屋以償他人負己者亦數千金悉檢券還之重建橫溪深渡各橋修路二十餘里道光辛卯饑計口授錢全活甚眾歲施棺百具數十年不輟又捐置義冢者有方燦光吳邦輔汪增琬汪文瑾亂後掩骼者有王恩錫王聲遠汪起棠汪樸堂羅源基謝啟銘程恩銳胡學誠胡正念施藥者有方珩楊文榛

歙縣志

吳應晟歙縣人捐金鉅萬重建宗祠砌深渡路二十里修府城建太平橋弟應暹月出米穀周卽六十餘人數十年不倦遇歲

歙計口授食村人賴之

歙縣志

胡祖祠歙縣人宗祠圯出萬金重建在浙捐助惟善堂千金里中深渡山徑險阻昱嶺外關橋爲徽浙大路俱獨力修造費近萬金又項光裕汪應嵩汪永昆胡肇修吳昌佐王應元王永環宋元國汪渙淙吳永琮吳尚志並有修祠廟治橋道之事

歙縣志

程希轅字穎芝歙縣人

封職二品捐賑平糶全活難民焚借券數千金兵燹後施棺施地檢埋尸骸無算葺宗祠卹孤寡表揚節義排難解紛又監生程肇龍同姪從九祥元附貢祥敏共捐平糶及團練費二千餘金又王應理等亦倡捐平糶以濟難民

歙縣志

方世琛歙縣人刑部司獄少貧贖物質肆得貴重者歸覺其謀走還之妻許積穀百石貸人焚券盈囊子椿監生捐四千金創



建宗祠

歙縣志

程兆綸歙縣人咸豐十年署金華府知府時徽屬難民赴浙者

眾兆綸倡立義局全活甚多

歙縣志

程大松歙縣人從九街出三百金買山以護祖墓歲歛捐濟里

中貧乏又出資修路十餘里

歙縣志

黃傳智休甯增貢貧而廉正為勸葬文息訟說以化親族倡捐

義田義冢族人感而祠祀之

歙縣志

黃鍾謙休甯監生仁厚有德嘗捐助海陽書院膏火歿即於

書院祀之

休甯縣志

黃必振休甯監生建支祠立義學施棺木置義冢義渡造橋修

路歲歉平糶凡善舉解囊不惜

休甯縣志

黃心榮休甯人建賢良節孝祠倣義田遺法立小補會待舉人

者八十餘家修橋路助婚葬無吝色

休甯縣志

程志章婺源人鹽運使銜修支祖墓置祭田歲旱輸糶千金邑修學宮考棚城垣皆輸重資奉

旨嘉獎給銀建坊又獨修黃家嶺石級及各橋路

婺源縣志

鄭日臨婺源人堂姪早故撫孤全節親屬有遺孤三人亦賴婚

教又輸多金造宗祠寢室又監生張必餘捐祠費入百金

婺源縣志

李榮婺源人州同銜僑居衢州自咸豐庚申至同治癸亥日給

難民飯粥數年贈里人鹽粟牛種修定陽學宮輸千數百金又

捐修婺源學宮正殿紫陽闕里銀千兩

婺源縣志

方渙婺源人布理問銜修城垣建義倉輸一千一百餘金每歲

暮必具百金以周貧乏數十年不衰至修橋路助婚葬尤多義

舉

婺源縣志

胡福彩字炳彰黟縣人捐職營千總倡修祁門南鄉山路五十里同弟祿彩修本邑巖嶺祿彩又獨修浮梁錦溪石橋路十餘里費千餘金弟康彩總辦景德鎮弼廠賑災有方

黟縣志

胡應鐘字聲永黟縣人捐修桃源古路助建考棚增置碧陽書院膏火修支祠立祀會又胡崇福胡宗騰並以樂善好施拯困卹鄰閭

黟縣志

胡夢齡字斗山黟縣增貢工詩畫精醫專賊犯皖南石埭太平人多避黟疫大作夢齡日往診視好義者資以湯藥全活甚眾同治元年賊掠西川夢齡年六十九屬賊被害

黟縣志

余學彬字質甫黟縣人父福欽造大源嶺頭石橋未竣而卒又營建築善鍾慶泗水等亭施茶湯學彬成橋修亭踵行不怠弟興洲亦好施規溪延燒十餘家給散錢米棉衣助造屋宇及疾

焚其券而卒

黟縣志

余邦桓字希武黟縣監生讓產與兄又分己產與姪濟貧卹族倡修溪橋道光壬辰饑有鬻獨子者邦桓給錢米畱之後賴此子傳代不絕同邑王魯宮字麗生貧甚而好義撫路遺瞽女嫁之咸豐丙辰罵賊殉難

黟縣志

余永成余宗瀉黟縣人並捐職理問村居三面環溪多水患永成以千金授子築隄二百餘丈咸豐初團練宗瀉儲備丁米二千石又修文昌宮文孝廟搭下溪路助造本村前後石隄

黟縣志

汪大錄字萬青黟縣人鄰村被火數十家出米徧賑又獨修支

祠助修敦善堂道光辛卯水災重資賑濟

黟縣志

汪科祥字襲于黟縣人族建支祠倡捐數百金祠成而所蓄已盡同邑歲貢汪達之字伯海諸生汪兆峯字祝三皆力學能文

並以祖祠火竭力重建其理祀會並重建支祠

影縣志

葉承宣字蕃臣黟縣附生以國防功保訓導軍興之初首建團議立條款訓勇立砦保衛鄉里捐募義勇會援祁門迭次督團禦賊手斬多名解散雙錢匪黨勸導本戶納糧并助鉅餉倡捐平糶

影縣志

汪榮序祁門監生以廉賈起家子姪九人析產均一建宗祠修橋路捐產爲族之貧寡者立嗣贈節又監生馮光澤捐書院五百金歲歉賑貧修造橋路監生許麟捐書院費修平政橋平治通省之九里充山道費七百餘金監生陳國昌立維正糧會代族人納糧獨力買地以葬族祖捐書院費焚券賑饑施棺掩骼

祁門縣志

許丙南祁門貢生醫藥濟人族向有義倉寇掠無存丙南捐敬

千秤復興之又理問銜許鑫捐田二百四十畝入宗祠歲以贍族貢生陳有光捐錢千六百緡重修常平官田兩倉知縣唐治

立碑記其事

祁門縣志

章日起祁門廩生以國防功保浙江知州督募殺賊爲城鄉所倚重嘗捐義倉歲饑平糶又嘗受寄千金其人殉難及賊退出所寄歸其人之家

祁門縣志

鄭國恂祁門人捐書院八百金輪同善局租百餘秤又附貢章作肱道光辛卯賑濟水荒咸豐中出穀全活難民臨終盡焚借券增貢胡衍虞倡捐書院二百金皖南道張鳳翥給助興文教

額

祁門縣志

康周銓祁門人從九品捐租穀百秤入族義塾又從九品汪正誠出資置田產爲歲修店埠灘費造蘆溪范村二渡倡立族內

完糧局捐書院六百元又農人王自鑣敬重士林遺言捐書院

四白金其孫監生世祐嚮田以成其志

祁門縣志

王起填祁門人修樺根嶺蔣村大路造步前陂板橋及建德縣之蜈蚣嶺亭歲永施茶

祁門縣志

曹佐字贊廷廩生石庭柱字丹五歲貢並績溪人咸豐十年同

集團援旌德分守嶺隘保衛鄉里盡瘁而歿

績溪縣志

汪雲煥字可達績溪人賑饑置義冢村路周三里許極崎嶇修

爲坦道人因稱其村爲坦頭

績溪縣志

章筠字梧亭績溪監生幼孤事母孝年饑承母命醵金購米千

石賑之是後歲少歉卽平糶又捐田百畝祠中爲養倉獨修節

孝祠及村後大路三百餘丈捨棺助葬數十年張芾辦皖南軍

務時筠捐五千餘金助餉

績溪縣志

胡嗣奎字愍五績溪人客蕪湖遇賣女者代償其債母女獲全

績溪縣志

湯永懿字步皋黟縣監生造松山義學平浮梁船戶埠頭之爭

道光壬辰旱黟祁斷米告糴饒州米始通濟又集修祁門至漁

亭石路六十里行人便之

黟縣志

汪庭點字近思黟縣監生捐造潁川橋爲浙閩江右三省大路  
往來者便之又從九汪士鏡字景揚重修蜀里石橋石路及小

七都石路數十丈

黟縣志

程啟陞休甯監生獨發白際嶺一百五十仞築石塢隄以資灌

溉粵逆竄休日給難民糜粥發廩施賑全活無算

休甯縣志

程國梁休甯人以辛力所積建民泰橋修汊口河隄大路

休甯縣志

吳肇照休甯人商籍監生好周人急歲饑平糶鬻田修鄭家隄



路數里又王宗浦歲饑蠲租王柏相濟貧焚券

休甯縣志

朱瑞熊休甯人嘗儲資擬建宗祠子九齡出錢五千緡成其志

更置贍族田二百餘畝

休甯縣志

孫士楷字雅題黟縣附貢祖洪維父思爽並樂善士楷尤慷慨

好施客湘潭築白骨垣費三千餘金又造南嶽嶺路三十里捐

資累萬獨力竣事

黟縣志

孫華字春圃黟縣諸生擴家塾建祠寢訂支譜葬外舅姑及受

業師又整桐樹嶺下石路三百十六丈同族諸生孫鶴年字鳳

羣周恤饑寒傾囊息爭倡修石乳亭大路縣丞孫廷燾字熙存

捐賑宜興荆溪溧陽水災全活甚廣軍功監生孫廷貴字文燦

捐賑本邑水災葺祠墓修橋路

黟縣志

孫啟熊字渭祥黟縣人葺家祠復祭田導蓮花心水道置義冢

瘞白骨子時泰字星五附貢孔目銜解囊平糶賑濟徼甯難民

黟縣志

何元鞏字殿超黟縣人布理問銜事母至孝居喪寢棺側日夜  
哭泣不進粒食後有約往湖北者居鄂十年爲致資累萬乃謝  
歸興復祀產倡修支祠祖墓葬外舅姑並室其孫年八十七將  
歿焚負券百餘紙時修沙園路未竟子從九應禧踵成之

黟縣志

何永漣字商彝黟縣人事盲母最孝謹宗祠溪塆村口石橋並  
爲水冲損甚鉅永漣命子興修歲饑又命子平糶又何多佩何  
其樊何其翰同造蜀上石橋

黟縣志

許可煜字炎輝績溪人倡築護村石隄修村口大路發粟貸饑  
解囊釋爭里人化之數十年無訟獄事

績溪縣志

張瑞淮字匯江程瑞字芝巖並績溪監生皆精醫不受貧者謝

仍贈之藥年饑出粟濟人築石隄以護村閭并代賑焉又程嗣

章程康政均以施醫藥聞

精溪縣志

胡憲字化成績溪監生建石京嶺茶亭修平村頭石路水旱出

粟以貸貧者

精溪縣志

胡本厚字丙南績溪人遠祖建永濟橋水圯本厚獨力重建之

績溪縣志

張厚文字永亮績溪監生修葺阡路百餘丈里中無告者歲給

衣食

績溪縣志

江纘緒字湘雲婺源庠生幕游湖北歲以館脩二千緡贖孤

嫠餽遺親友及身歿無餘蓄焉

婺源縣志

吳文純婺源人族立義倉輸三千金助支祠田租百秤

婺源縣志

程煥銓婺源監生村居去水遠銓置規迴溪費數百金又與具

弟販茶虧數千金以己租抵償有代友運鹽者友歿欲分其資

銓力爭之完本而歸

婺源縣志

金坡婺源人候選州同捐紫陽書院千金獨修宗譜三年乃成

婺源縣志

余錦文婺源附貢嘗拾遺金還其人與修縣志有以重貲求職

其名者峻卻之徐源水口石橋圯獨力復造

婺源縣志

余源開婺源人有姪飄海外重貲覓歸與以生計支祠燬營造費數千金助文社田修弔石嶺路府縣城垣耆棚皆有捐助焚

借券萬餘金

婺源縣志

余鼎澐婺源貢生弟早逝盡以遺產予弟婦而自服賈起家獨建宗祠費數千金立義祭建橋修路造亭施棺年八十焚借券

萬紙

婺源縣志

方昌煌休甯監生少孤貧事母孝客江西拾遺金招還之後起

家鉅萬邑中義倉族中義田皆多金慨助

休甯縣志

羅亨桐歙縣人貿易江山縣咸豐十年賊踞縣城泣請知縣同赴衢州請兵克復四鄉未受賊害回歙後修樂濟橋及道路祠

宇甚夥

歙縣志

金華英字松望黟縣人捐職理問有友范生慮其子耗家資以數千金託華英經紀范卒子果貧華英屢周卹之及疾革召范子至具道范生付託意以金畀之則獲利千矣

黟縣志

程雲翼字儀宇黟縣人刑部司獄加國子監典籍銜節次捐輸學宮魁樓書院考棚海疆經費施棺卹族歲以爲常道光壬辰平糶輸穀百石軍興後與兄雲翔首捐局練族團及徵餉萬數千金同族程尚勤字竹坪析箸時以三千金讓其兄成祀會周

族辭毀家捐助軍餉

黟縣志

程尚璽字言有黟縣人布理問樂善好施其子孫以遺命盡捐書院考棚海疆邑局族團及徵餉各費

黟縣志

程尚陞字級三附貢弟尚隆字緒三從九黟縣人少孤事母孝兄弟友愛析產有交讓之美並多善舉如書院軍餉團費祀會義冢皆有捐尚隆又嘗焚借券千金

黟縣志

程珍字玉亭黟縣增生貧而好義族祠燬於兵火珍獨力重建賣田竣事養飧不繼其志怡然

黟縣志

程邦曜字榮瞻黟縣人邑南陶嶺通祁東橫路頭蓮花塘往甯池必山之路崎嶇險峻行者苦之邦曜創造石磴三年而成構亭嶺巔施茶憩客其子孫遵行之

黟縣志

程洪業字立仁黟縣監生少孤兩世四節母撫之及長孝養恐

遠離故讀書不試輒先儒格言十數卷焚券好施咸豐十一年  
罵賊殉難祀祠建坊以子士爽官

贈中憲大夫

野縣志

程奇峯字軼羣野縣附貢幼孤事母孝親友緩急解囊欣助道  
光己酉歲歛市米賑饑所居後山水發奇峯與兄子桂謨創建  
石壩各費千餘金桂謨字丕文州同銜客樞陽大通捐造救生  
船道光壬辰水災市米八百石賑樞陽施棺三百餘具時夥亦  
饑又出米賑卹之奇峯子桂肅別於村南造石橋并甃石路四  
十餘丈

野縣志

程熙聰字達俊監生江隆字德輝捐職待詔俱野縣人咸豐庚  
申避賊難民數百人集鄉鄰隆與熙聰設粥廠於新菴人日給  
二甌病施藥亡施枵衣履笠炭具備凡五閱月全活甚多隆

資尤鉅同邑何朝名胡有立何朝貴葉啟葉祥麟等集資設粥  
廠於喜槐亭則如法自庚申秋起至辛酉夏月始罷

影縣志

江良基字自堂黟縣人捐職理問孤友輪祠金修村內外路  
二百餘丈捐助碧陽書院膏火及府城河西橋經費同里江廷  
秀鬻蓬廈至容干石路六百餘丈又歲貢江一鵬附貢江吉理  
問江玉琦諸生江南杰監生江名巽江良相有修尊經閣及家  
祠造橋鬻路施棺施醫諸義行

黟縣志

金翔婺源人議敘八品父早卒母冀翔成立焚券濟貧翔承志  
捐賑四百餘金遇歲歉集資平糶

婺源縣志

金起鳳婺源人同知銜收責金陵有鬻妻子者贈百餘金後數  
年來謝人始知其事又同知銜胡仕楮庠生齊華監生胡華國  
程鉉慎李明禮王淇助程兆寶俱不索積逋完人夫婦

婺源縣志



吳烜吳世烜程嘉澍李正曜朱輪李昭融俱婺源人俱有贈金

完婦事

婺源縣志

單芳宗婺源人在金陵捐義濟堂千金又以三千金爲婺源人鄉

會試費歲歉賑卹全活無算子士修候選通判捐造始祖祠墓

費三千五百金又偕中書洪造深修戴公嶺路

婺源縣志

董邦超婺源人在南昌救壞舟一人乃南贛道子酬之不受在

江甯救一米商並募水工撈還其金在六合救鄉試六人贈金

僱舟送之

婺源縣志

朱文煊婺源人出五百金修朱文公祠墓邑修城垣捐八百金

在粵輸千二百金建安徽會館輸千金入歸原堂又歲贈川費

八十金士人倍之

婺源縣志

江夢動字禹功黟縣人從九品父朝龍貧而好義睦族濟困

勳以廉賈起家處兄弟間最厚有族母瘖夢勳教養其子爲之

娶婦葺族譜置義冢築東溪橋造北嶂路客常德時遇水災賑

金施棺

黟縣志

江聯燦字星五黟縣監生修宗祠立社廟造霍溪路及梧岡橋  
咸豐五年糧梗價貴子元璵出積穀以濟又采買平糶鄉人賴  
以不飢復集賑鄰邑難民避亂來黟者全活甚眾同邑江肇龍  
造程家嶺大路往來稱便

黟縣志

江杰字俊瞻黟縣人族鄰孤寡月給錢米貧不能娶助以婚資  
客廣信捐助育嬰堂倡建會館子勳魁等以遺資重建宗祠

志

王興致黟縣人踵修三姑溪橋及霍溪大路又葬七世棺皆獨  
力葺事同邑貢生王盛琦祖祠火亦獨力重建又廩生王鳳來

字宇儀捐地葬教諭周槐凡五棺母歿毀卒王忠綸捐修湯陽

臺至石山及祁東之路施茶數十年

黔縣志

王學洧字惠中黔縣監生善事父兄賑歲荒施棺木置義冢咸

豐十一年殉難祀祠建坊

黔縣志

吳瑞鴻字翼翔黔縣諸生獨力葬七代祖棺立祀會護宗祠施

棺置義冢修羊棧嶺大路

黔縣志

吳煜字重五黔縣貢生捐造上光橋子增生元變捐造石場大

路監生國錡捐輸海疆經費又造金雞源大路並上下溪塆

黔縣志

吳有政字景周黔縣人積有重資屬子孫行善事同治二年避賊山中者資糧不繼裔孫興岱以遺資命姪孫宗祐分濟全活甚眾及寇退又命姪孫宗苑監拾白骨三百餘石掩埋義地立

碑時祭

縣志

曹樂字舜琴績溪人捐田百餘畝置屋數十楹爲義莊約費萬金道光乙未以樂善好施奉

旨旌表

績溪縣志

葉拱章字子明績溪貢生賈於京師創建績溪會館捐三千大

百金

績溪縣志

曹信字風澤績溪人布理問銜救災荒建橋路皆有經濟邑建

東山書院不惜重貲

績溪縣志

王大錦休甯人布理問提舉銜嘗助海陽書院膏火粵逆犯境

平糶施棺造得勝扶車二嶺石卡費千金

休甯縣志

王元煌婺源監生有友質契千金友歿檢還其子遇被火者資以衣糧材木又貢生王廷榮亦焚負券千金

婺源縣志

李天鈞婺源貢生捐城工軍餉各數百金又修造金章古箭二亭呈紫薦山二嶺路嘗構屋工竣鄰與爭滴水地遽拆讓之

縣志

方星朗婺源貢生族修宗祠輸二百金又以四百金爲社壇亭

閣修造費

婺源縣志

方士選婺源人中書銜族建宗祠鄰村修嶺路同弟太常博士

銜士進各捐一千六百金進又捐助軍餉修葺新嶺大路並建

茶亭

婺源縣志

李廷勳婺源人修沿河路數十里又凡嶺路亭宇損壞者皆修

治之在都門以祖起鳳名輸金爲造會館費

婺源縣志

江朝燮婺源人遇災平糶修近村路千金捐置義田爲橋渡費

貧民有棄女者陳金撫養全活甚眾

婺源縣志

胡金殿績溪人里中資以成立數百人及卒盡捐其田入祠中

文會以助膏火

績溪縣志

胡椿字翰華績溪監生嘗捐建支祠歲大饑假貸數百金糶米

賑濟

績溪縣志

胡敬字謹儒績溪監生開典取息最輕以便貧民捐修翠嶺及

各道路橋梁每歲施粥施藥貸貧焚券子諒詢並能繼志妻曹

氏尤多惠德

績溪縣志

葉懋适字宇涵黟縣人客江西造中墩石路四百餘丈焚借券

二千餘金咸豐辛酉糧貴子庠生瑞訓盡出積穀平糶同邑附

生葉紹濤造龍東鵝山路葉家燬重造龍蟠橋葉文富葉康齡

並施棺置義冢

黟縣志

吳肇字廷獻黟縣監生歲歉賑濟鄉里又嘗焚借券千餘金同

邑監生韓邦字萬能亦邨鄰燬借券掩埋暴露

縣志

余菴字祥遠縣人施衣棺修橋路稱貸者不責償道光辛卯歲歉捐金購米賑濟及卒族鄰咸哭之

縣志

余煥文字維則縣人造規溪水磨大嶺三百餘丈疊石溪底開鑿山坳費二千七百餘金同族余燦文捐修臨章門至迎霞門外石路又修立川井林亭至化字所榆村至上鹽舖石路

縣志

余元社字信堂縣人捐千金倡修羊棧嶺路後費不敷獨力告竣又與胡元熙在漁亭創立登善集買屋置地爲浙來客柩停葬所修桃源永濟亭助造河西橋行旅稱便同里余昌健送藥助棺於漢口置救生船於本邑修芳川口路及助修羊棧嶺

縣志

汪琴字聲和黟縣監生嘗捐資爲人息訟客廣東有同邑葉某  
販茶未售而卒琴經理殯斂代售茶畢歸其資槩簿籍別白無  
所私祖祠燬於兵偕兄瑋集資重建又立扶歸會施棺以濟難  
民

黟縣志

汪庚培字錫文黟縣人從九品堂叔歿於浙賙卹其家無缺乏  
族叔攜家湖州夫婦先後卒且乏嗣爲經紀其喪歸葬焉

黟縣志

汪珽字寅書黟縣增生父商於浙嘗捐修遂安路及半而卒珽  
踵成之所遺產分給幼弟自以舌耕終老

黟縣志

汪家濤字滄海黟縣人貿易望江積二十金歸渡華陽江風覆  
後舟家湍大呼救一人者酬十金俄拯二人傾囊與之子監生  
國楹亦好施族中孤寡賴以存活

黟縣志

鮑頤字勳田黟縣附貢族祠圯獨力移建並添造餘屋爲聚族



之所又周嘉椿字茂芳倡建支祠造茂蔭橋捐高京義冢

歙縣志

孫殿齡休甯人候選郎中好推解寒賤仰給者且百人在蕪湖

設義渡置救生船咸豐間拒賊殉難

休甯縣志

胡紹彭休甯人嘉慶壬戌饑賑米數百石質田造雙嶺大路家

以是中落賈常州少獲利歸爲娶子婦計同族有獨子無力授

室遂舉以畀之子體仁因家落投筆經商始饒裕撫二弟成立

析產無所私道光癸卯水饑獨力賑濟遵遺命購田百頃立義

莊義學名曰師范莊建宗祠築隄岸復雲路文會歿於社日鄉

里爲之罷社

休甯縣志

江邦銓婺源人府修河西橋捐助千金縣修學宮考棚城垣皆

樂輸歲事

婺源縣志

江廷球婺源監生族人孤貧月給錢米祖祠圯捐金修之村外

石橋浩費難成醵田數十畝充用

婺源縣志

金照婺源人候選中書在揚州江甯置義冢厝基捐修上江考棚一千二百金府修嘉義坊縣修城垣各捐銀數百

婺源縣志

胡文煥婺源監生修橋路施棺木賑米粟棉衣族祠燬捐千金倡建之

婺源縣志

俞其澍婺源人州同銜歲歉賑米二百石在廣東倡建歸原堂在江甯上新河建茶亭置義冢凡軍需城工皆捐助

婺源縣志

金榮婺源人寄居江甯輸下關救生局五百金倡建上新河義濟堂道光辛卯水災散給衣食全活萬計又王聖寶洪啟焰俱於歲歉賑穀數百石

婺源縣志

方星垣婺源人族建宗祠捐五百金他修橋亭道路無不贊助又貢生俞頌輪祠五百金俞光炎輪祠四百金俞邦基籌建祠

賈鉅萬

婺源縣志

吳新慶婺源農人憫鬻妻溺女者積資施濟慮未能久行嘉慶十年叩

聞得

旨交百齡查辦示禁飭慶回籍行抵江甯而歿有潘秀瑞等爲營葬立

碑記其事

婺源縣志

程懷義婺源人倡捐興復族中祭田重建世忠祠曉秋亭輸數百金助修縣城

婺源縣志

潘德富婺源人捐練費六百金復出二百金助保衛局又李焯然州同銜捐城工軍餉八百金

婺源縣志

程國遠婺源人偕粵友販茶獨任公虧八百金修祖祠建義倉興賑會施棺木皆歸美於父不自名

婺源縣志

王世勳婺源貢生獨建支祠堂屋費千餘金葺族中聚奎館代完欠糧助修學宮城垣橋路費千金有餘

婺源縣志

黃文婺源人江西按知事捐城工軍餉練費共千數百金又以

三千餘金造仁壽橋以千金重建宗祠

婺源縣志

程思楨婺源貢生族置義莊輸三千金修宗祠府署及橋路輸

一千二百餘金

婺源縣志

吳有光字彩儀黟縣人家貧僅供餽粥施棺放生借助皆勉力

爲之尤憫屠牛勸人改業年過八十盡焚負券而卒

黟縣志

吳廷柏字萬齡黟縣監生賈河口鎮別開一鋪名聚號專爲失

業謀事人居停資給推薦無倦

黟縣志

吳如燦字亮輝黟縣人置本鄉義冢造鄱陽石婆橋咸豐十年

子茂才等在太陽埠捐撈流尸三百餘口捐米賑濟難民同邑

吳興裕在湖南濟飢數月又同吳光達造夥北葆嶺石亭吳松

保吳元吉並捐置義冢助理露棺夥縣志

史世椿字延齡夥縣人勤儉好義施樁賑荒於本邑重建家祠

造村路修溪橋踰考棚書院文峯塔諸費於安省捐救生局錢

布體仁局義棺石埭之大小約嶺獨力重修貴池之徐莊嶺東

阮橋集資創造祁石大洪嶺為徽院要路倡修竣事貽賻千金

夥縣志

郭衡字星如夥縣監生仁厚樂善三黨悉沾其惠又於歲歉賑

濟鄉里修宗祠置祭租助成月灣橋捐置大山義冢夥縣志

許通衡字啟榮夥縣人出千金造祁門大路於本村及月塘大

路均一律修治夥縣志

許爵字殿傳夥縣監生幼貧而孝長貿易於楚家稍豐仗助婚

葬隨力所至有鬻妻者贈金完之

黟縣志

黃善長字體仁黟縣人孝友睦姻施棹置冢修西武嶺下至黃村橫街及祠前水口百尺墩等路費三千餘金又於景德鎮同仁局捐輸重資祁門造至景德鎮路復捐鉅款歿後族人議建文昌閣工大難舉子慶輔等慨任半費羣以爲家教特設木主於祠祀之

黟縣志

黃飛熊字佐周黟縣監生重建祖祠費三千餘金別造如意亭捐田爲修葺施茶費

黟縣志

黃殿元字殿拔黟縣人從九品初食貧有服伯無依迎養於家喪葬如禮中歲家稍裕代族鄰無力者完課又倡捐祀會立橋會樂善會施棺助理賑濟難民病篤遺言培補宗祠及修復路嶺各亭施茶事子慶鴻等俱遵行之

黟縣志

吳士均休甯人修橋路施棺藥賑貧乏族人賴以舉火者甚眾  
又李穆朱士瀛吳聯銓葉國銓王嘉城洪賓惠汪湘汪有宣吳  
振祖金鏐程康烈並以義行聞

休甯縣志

金尚瑛休甯人捐修南塘至貴嶺路十餘里獨造南塘口橋黃  
土嶺為休甯歙要道闢路疊石行人稱便

休甯縣志

陳良椿休甯人僑寓巢縣重建見子橋費錢一千餘緡

巢縣志

程元芳婺源人候選直隸州創建宗祠費數千金置義倉造石

嶺亭修村路二百餘丈

婺源縣志

朱茲望婺源人在饒州倡建會館在本邑倡捐義穀產女不育  
者資給存養活二百餘人

婺源縣志

程士委婺源人議敘六品在廣東貸金千餘回婺源賑茶一路資  
給難民至饒州金已盡遇鬻妻者嘗飲助勸阻之每歲抄賑米

數十石香阮義渡豫章義倉均其捐造又韓名阡阻堂弟蘭子

分田宅授之婺源縣志

俞仁婺源貢生族建宗祠輸四千金邑修學宮者棚及里中文

社與弟仲均有樂助婺源縣志

戴旺婺源監生客居金陵道光辛卯疫輸金六百樽二千又於

本籍捐建支祠婺源縣志

單鵬翔婺源人候選州判親戚濟困乏修橋路積費金數千

婺源縣志

胡學詔歙縣監生賑卹貧乏修路施棺咸豐六年出資支應官

軍日食難民三百餘人賴以存活歙縣志

汪宏達歙縣人親族無力婚嫁殯葬者助以費無後者為立嗣

給田產養贍之支祠圯出資建復修治橋路無不樂助歙縣志



吳天全歙縣人周濟貧乏修治橋路捐金不惜晚欲修歙南新巖二嶺路子光第倡修十五里並建亭以憩行人又在餘杭修

大路五里設救生船於天峻灘

歙縣志

鄭茂華歙縣監生凡有修舉無不捐助施藥施棉終身同里鄭

貴壽嘗袖銀濟貧數十年

歙縣志

仰文燿歙縣人倡捐建立宗祠子際虹成之

歙縣志

李文意字德誠歙縣人服賈漢陽所入與兄均分嘗歲暮攜金

居客舍見窮乏者陰置於路使拾之又買婢詢知世家即贈金

遣還

歙縣志

李高琳字秀書歙縣監生客荷葉洲捐賑避賊難民同郡邑者

加回藉之費又置義冢倡造救生船助修石太通徽大路

歙縣志

潘允鑄字景陶歙縣人兄弟析產推讓千金年荒兩賑族黨又

修東嶽山口至五里牌大路及病取積券焚之同邑胡美魁亦

有焚券事

黟縣志

時源字達泉黟縣人造釣魚嶺大路十餘里同邑貢生邵世興

子州同邵肇基等修漳嶺要路四十里建長培亭余時喜余英  
烺胡國亨修陳閭西干路百餘丈及陳閭橋東大路祁門長培

大路

黟縣志

方嘉銘字笏書黟縣人同弟嘉銘捐建支祠造村口大路架聚

星石橋粵寇之亂輸資練局出穀麥賑濟村人

黟縣志

姚嘉全字瑞武黟縣人賈於衢嘉慶甲戌乙亥兩賑飢民道光

中歲饑又與貢生姚嘉允各捐銀助賑浙撫奏獎嘉全九品嘉

允鹽知事銜

黟縣志

汪學鑑黟縣人爲常州程姓經理和橋肆務數十年賊至守肆

不肯去死之

黟縣志

姚成鳳字德勳黟縣監生施棺置義冢修路成橋建溪南書屋  
畀族人肄業嘗買童僕知其獨子毀券還之

黟縣志

胡承合婺源人族有鬻子者止之歲給錢米在江西買二女詢  
爲良家擇壻嫁之饒州有婺源會館產業賃出費千金贖還

婺源志

胡錫意婺源人從九品有父子遺金迫欲赴水者如數予之不

告姓名又江鳳翔拾遺還金有鬻妻者代償其逋資給完聚

婺源志

縣志

查祖德董梯雲俱婺源貢生祖德以錢五百緡修彰睦路又造  
花旺長林二亭梯雲捐置義田焚逋券減阨火延數百家戶賑

之

婺源縣志

胡德墉婺源貢生創造崇祠輸二千金又置祀田興文會於孀

孤尤加意焉又俞友仁附貢以五百金倡立炳蔚文會

婺源縣志

王朝晁婺源人州同銜捐資獨建支祠及妣祠義祠并捐祭田

中年喪妻有子甫十齡遂不再娶

婺源縣志

俞澄輝婺源人族建宗祠輸二千六百元修學宮考棚書院公

署志乘貢院皆有捐助

婺源縣志

程立猷婺源人焚逋券二萬金召負者告以母意不自德焉

婺源縣志

縣志

查禮婺源監生重建宗祠修遠近道路十餘處仙姑橋圯捐田

修葺

婺源縣志

項儒珍婺源人造橋路費千金捐團練費二千金

婺源縣志

孫紹祖婺源監生歲饒賑穀千石捐糶三百金又建族祠修橋

路施棺木置義冢

婺源縣志

孫有燦婺源人倡建祖祠立祀田設義學文社置書院課租邑修學宮考棚輸千五百金又於都門文明會蕪湖揚州仙鎮各會館皆捐重資獨造萬福菴河橋有孫善人之目

婺源縣志

程德枰婺源人輸地建亭施茶大田段埂塘兩石橋皆其所造

婺源縣志

俞大榜婺源人賊踞城避難者千計榜與弟大柯鬻產輸金按口給米鄰村災復領囊濟之約數千金

婺源縣志

黃朝舅婺源傭人有負債鬻妻者盡以所積濟之後於廢牆中

獲金一瓶娶妻生子焉

婺源縣志

汪昭佑婺源人府知事銜在蘇州捐千金入恆濟局又李上棟在蕪湖創造會館婺邑修城捐八百金李天本在蕪湖捐賑二

百金輸本邑軍餉銀六百

婺源縣志

俞文蔚婺源人布經歷學宮考棚城工軍需皆有輸助重建越

國公祠費逾千金

婺源縣志

江信綬婺源貢生族祠圯捐數百金修之歲給村中孀婦銀每人二十四金有貸者悉焚其券

婺源縣志

詹世鸞婺源人布經歷世積逋欠數千金鸞承業獨償之族祠

燬捐資倡造建學宮置祀產修會館皆有捐助廣東茶商火災

慨助萬金又詹大驊代姪償積逋銀數千

婺源縣志

程時象婺源人嘗傾囊賑饑子尚清亦於荒歲賑米千餘石

婺源縣志

志

程汝霖婺源人理問銜有姦婦債偏將鬻身者出資完節捐修

城垣嶺路共費千三百金又李文富署正銜修嶺造渡捐團防

費數百金亦有贈金完節事

婺源縣志

王應奎婺源人同知銜侍父病三月不懈獨建宗祠又捐資學

宮考棚城垣書院倉儲軍餉及道路橋梁均署先人名

婺源縣志

李振煌婺源人從九銜爲伯父後本生父好義因人受累煌變

產代償又爲兄子償負千金

婺源縣志

程兆泰婺源人鬻薪養母或傭工得酒肉必畱歸奉後家小裕

焚借券三百餘金

婺源縣志

齊敬熙婺源人族有義學捐田爲倡又出資修宗祠寢室及兵

燬欲重造未果子思仁思賢捐千金倡之

婺源縣志

俞文炳婺源人員外郎銜母病劇往返數百里禱求方藥析產

以膏腴讓弟又分潤宗族親戚

婺源縣志

俞之雲婺源人父與伯父堂兄俱赴蜀之雲往尋會皆歿力難

扶櫬卽其地封墓而歸又嘗傭蔣家代索某欠某將鬻妻兒償之雲舉券還之復蔣願以工資代償蔣感其意亦置不問婺源志

周錫鉞字正庭績溪貢生出鉅資倡建濂溪書院捐田百餘畝

爲月課費

績溪縣志

章式醕字侶豐績溪武生修建上確及西院兩橋不治生產敷衣食外隨給族中孤寡

績溪縣志

程士昱字光普績溪監生與族弟士亨重修雲臺橋及埭坦大路歲饑里中待舉火者百餘家同縣貢生程景璘胡定暘陳廷詔胡倬監生章式源章式彬胡承鑑周承元都司銜程達文生胡荃照章亮工石大林舒正儀鄭彪胡秉爲胡昕周之冕同知銜周承濂從九吳鑣張增歲布經歷胡洪溥八品銜胡洪潤及周建邦胡裕炘石澈胡名裘鄭德林鄭良聖章煥文方建相並



以修橋路賑饑濟貧諸義行聞

續溪縣志

程鳴皋字聲埜績溪人布理問街建支祠施棺木獨造子晒圩石橋歲災出穀平糶復采辦減價市焉

續溪縣志

汪黼青字紫澗績溪監生獨造石橋於龍阡山口家遂落咸豐十年率族眾結寨龍阡山遠近避亂者依之

續溪縣志

吳觀妹字浩如績溪監生靈丁山道通歙南險峻約三十里解

囊修治粵匪之亂破產賑饑

續溪縣志

胡尚昱字正輝績溪人州同銜獨修崇安石橋費數千金

續溪縣志

胡正大字德餘績溪監生親戚資以成立者數百人樂善好施

每輸助多書父名

續溪縣志

張培婺源貢生道光二十一年巡撫題稱義夫張培志在詩書心存孝友絃不再續鰥居終身洵爲人倫典則奉

旨建坊准於忠義孝弟祠內立碑又汪英洸詹濂源文生張博成監生

王宜桂並壯年喪妻有子不再娶

婺源縣志

黃廷杰祁門人年二十九喪妻有子不娶守義五十六年卒道

光二十二年

旌表給銀建坊祀忠義孝弟祠

旌義錄  
祁門縣志

子雲海字蓮峰增貢訓導咸

豐十年曾國藩駐軍祁門委雲海採訪忠義創築礮堡其後曾

辦團練有保衛鄉里之義同邑謝佩來喪妻有子不再娶

祁門縣志

程吉賢黟縣監生年二十餘妻死有子不再娶年八十一卒同

邑許光熙妻早死託子於嫂終身不復娶又王慶年早年喪耦

不再娶以兄子爲嗣又從九程國華字次江中年喪妻有子不

再娶

黟縣志

舒立芳字信餘績溪人妻歿不再娶守義齋居五十一載九十

二歲卒

續編  
縣志

胡捷元字廷選祁門副貢候選教諭以辨國功加國子監博士  
銜籌防積勞而卒邑人哀之又廩生倪前照激勵團練保衛里  
黨勞勩而歿鄉人哀之

祁門  
縣志

胡啟瑛字修堂黟縣附生兩兄貿易失利啟瑛盡將己產讓之  
每年館穀供親外遇親友窘迫傾囊資助

黟縣  
補呈

余士炯字象瞻休甯監生幼失怙恃母病八年不懈置義田培  
祀會修治橋路嘗貿易湖北咸豐四年賊圍鄂城士炯毀家紓  
難並勸捐軍餉共萬餘金以勞勩給五品

休甯  
續編